

<<唱读三字经>>

图书基本信息

书名：<<唱读三字经>>

13位ISBN编号：9787538663822

10位ISBN编号：7538663827

出版时间：2012-3

出版时间：吉林美术出版社

作者：赵岩

页数：56

字数：8000

版权说明：本站所提供下载的PDF图书仅提供预览和简介，请支持正版图书。

更多资源请访问：<http://www.tushu007.com>

## <<唱读三字经>>

### 内容概要

《晨曦早教·中国传统文化儿童唱读本：唱读三字经》以音乐作为沟通传统文化知识与儿童心灵的桥梁，配以大字号的文字，清晰而醒目，同时汇集了注音、译文、故事、简谱、说唱、CD等元素，形象而生动地向孩子展现出古典文学的魅力，使孩子能够更好地理解和记忆。

《晨曦早教·中国传统文化儿童唱读本：唱读三字经》是一本融艺术熏陶、文字感染力于一体的儿童国学启蒙读本，是听觉记忆与视觉记忆的完美融汇，让孩子们在快乐中学习，在学习中成长！

<<唱读三字经>>

书籍目录

人之初，性本善。  
性相近，习相远。

苟不教，性乃迁。  
教之道，贵以专。

昔孟母，择邻处。  
子不学，断机杼。

窦燕山，有义方。  
教五子，名俱扬。

养不教，父之过。  
教不严，师之惰。

子不学，非所宜。  
幼不学，老何为。

玉不琢，不成器。  
人不学，不知义。

为人子，方少时。  
亲师友，习礼仪。

香九龄，能温席。  
孝于亲，所当执。

融四岁，能让梨。  
弟于长，宜先知。

首孝弟，次见闻。  
知某数，识某文。

一而十，十而百，百而千，千而万。

三才者，天地人。  
三光者，日月星。

三纲者，君臣义，父子亲，夫妇顺。

曰春夏，曰秋冬，此四时，运不穷。

曰南北，曰西东，此四方，应乎中。

曰水火，木金土，此五行，本乎数。

## <<唱读三字经>>

曰仁义，礼智信，此五常，不容紊。

稻粱菽，麦黍稷，此六谷，人所食。

马牛羊，鸡犬豕，此六畜，人所饲。

曰喜怒，曰哀惧，爱恶欲，七情具。

匏土革，木石金，丝与竹，乃八音。

高曾祖，父而身。  
身而子，子而孙。

自子孙，至玄曾。  
乃九族，人之伦。

父子恩，夫妇从。  
兄则友，弟则恭。

长幼序，友与朋。  
君则敬，臣则忠。

此十义，人所同。  
凡训蒙，须讲究。

详训诂，明句读。  
为学者，必有初。

小学终，至四书。  
论语者，二十篇。

群弟子，记善言。  
孟子者，七篇止。

讲道德，说仁义。  
作中庸，子思笔。

中不偏，庸不易。  
作大学，乃曾子。

自修齐，至平治。  
孝经通，四书熟。

如六经，始可读。  
诗书易，礼春秋，  
号六经，当讲求。

<<唱读三字经>>

有连山，有归藏。

有周易，三易详。  
有典谟，有训诰，  
有誓命，书之奥。  
我周公，作周礼。

著六官，存治体。  
大小戴，注礼记。

述圣言，礼乐备。  
曰国风，曰雅颂，  
号四诗，当讽咏。  
诗既亡，春秋作。

寓褒贬，别善恶。  
三传者，有公羊，  
有左氏，有谷梁。  
经既明，方读子。

撮其要，记其事。  
五子者，有荀扬，  
文中子，及老庄。  
经子通，读诸史。

考世系，知终始。  
自羲农，至黄帝，  
号三皇，居上世。  
唐有虞，号二帝。

相揖逊，称盛世。  
夏有禹，商有汤，  
周文武，称三王。  
夏传子，家天下。

四百载，迁夏社。  
汤伐夏，国号商。

六百载，至纣亡。  
周武王，始诛纣。

八百载，最长久。  
周辙东，王纲坠。

逞干戈，尚游说。  
始春秋，终战国。

<<唱读三字经>>

五霸强，七雄出。  
嬴秦氏，始兼并。

传二世，楚汉争。  
高祖兴，汉业建。

至孝平，王莽篡。  
光武兴，为东汉。

四百年，终于献。  
魏蜀吴，争汉鼎。

号三国，迄两晋。  
宋齐继，梁陈承。

为南朝，都金陵。  
北元魏，分东西。

宇文周，与高齐。  
迨至隋，一土宇。

不再传，失统绪。  
唐高祖，起义师。

除隋乱，创国基。  
二十传，三百载。

梁灭之，国乃改。  
梁唐晋，及汉周，  
称五代，皆有由。  
炎宋兴，受周禅。

十八传，南北混。  
辽与金，帝号纷。

迨灭辽，宋犹存。  
至元兴，金绪歇。

有宋世，一同灭。  
明太祖，久亲师。

传建文，方四祀。  
迁北京，永乐嗣。

迨崇祯，煤山逝。  
清太祖，膺景命。

<<唱读三字经>>

靖四方，克大定。  
至世祖，乃大同。

十二世，清祚终。  
读史者，考实录。

通古今，若亲目。  
口而诵，心而惟。

朝于斯，夕于斯。  
昔仲尼，师项橐。

古圣贤，尚勤学。  
赵中令，读鲁论。

彼既仕，学且勤。  
披蒲编，削竹简。

彼无书，且知勉。  
头悬梁，锥刺股。

彼不教，自勤苦。  
如囊萤，如映雪。

家虽贫，学不辍。  
如负薪，如挂角。

身虽劳，犹苦卓。  
苏老泉，二十七。

始发愤，读书籍。  
彼既老，犹悔迟。

尔小生，宜早思。  
若梁灏，八十二。

对大廷，魁多士。  
彼既成，众称异。

尔小生，宜立志。  
莹八岁，能咏诗。

泌七岁，能赋棋。  
彼颖悟，人称奇。

尔幼学，当效之。  
蔡文姬，能辨琴。

<<唱读三字经>>

谢道韞，能咏吟。  
彼女子，且聪敏。

尔男子，当自警。  
唐刘晏，方七岁。

举神童，作正字。  
彼虽幼，身已仕。

尔幼学，勉而致。  
犬守夜，鸡司晨。

苟不学，曷为人。  
蚕吐丝，蜂酿蜜。

人不学，不如物。  
幼而学，壮而行。

上致君，下泽民。  
扬名声，显父母。

光于前，裕于后。  
人遗子，金满籝。

我教子，惟一经。  
勤有功，戏无益。

戒之哉，宜勉力。



<<唱读三字经>>

版权说明

本站所提供下载的PDF图书仅提供预览和简介，请支持正版图书。

更多资源请访问:<http://www.tushu007.com>